
Protocol resumau dalla radunonza communal dils 13 d'avrel 2019

1. Approbaziun dil protocol dalla radunonza communal dils 05-12-2018

Approbau unanimamein.

2. Rendiment da quen

a) Rapport annual 2018 dil president communal

Franz Gschwend renviescha al rapport annual e prelegia entginas passaschas sin las paginas 2 tochen 6 dil quen annual.

b) Quen annual 2018

Entras il niev rendaquen tenor il model harmonisau da contabilitad 2 (MAC2) e la purificaziun dalla bilanza ha ei dau ina correctura dalla bilanza d'avertura da frs. 22'687'174.75 sin frs. 48'544'766.82. Entochen ils 31 da december 2018 ei la summa da bilanza aunc s'augmentada sin frs. 53'361'769.58 ed il capital agen sin frs. 52'616'731.80.

Il fetg legreivel quen da gudogn e sperdita siara tier entradas da frs. 17'079'577.09 ed expensas da frs. 12'917'851.27 cun in bi gudogn brut (cash flow) da frs. 4'161'725.82. Suenter las amortisaziuns da frs. 289'800.-- resta in surpli d'entradas da frs. 3'871'925.82.

Il quen d'investiziun siara tier investiziuns bruttas dad frs 11'485'765.21 e contribu-ziuns d'investiziuns dad frs. 1'914'094.27 cun investiziuns nettas da frs. 9'571'670.94.

c) Quen onn da scola 2017/18 dil consorzi da scoletta e scola primara scolaviva dallas vischnaucas Laax e Falera

Christian Capaul presenta il quen administrativ cun expensas ed entradas dad frs. 1'894'044.64 e la bilanza cun ina summa da frs. 573'066.24. Ils cuosts netto per scolar muntan ad frs. 11'170.89 tier la scoletta ed ad frs. 12'751.36 tier la scola primara.

d) Quen onn da scola 2017/18 dil consorzi da scola superiura scolaviva dallas vischnaucas Laax, Falera, Sagogn e Schluein

Il quen administrativ siara cun expensas ed entradas dad frs. 1'880'437.94 e la bilanza cun ina summa da frs. 468'144.95. Ils cuosts netto per in scolar da Laax muntan a frs. 21'709.62 tier la scola superiura.

e) Rapport annual e quen annual 2018 dalla fundaziun Pro Laax

Erwin Ardüser renviescha al rapport annual ch'ei publicaus sin las paginas 75 tochen 76 e presenta cuort il quen administrativ e la bilanza. Dallas entradas totalas da frs. 533'623.64 derivan frs. 463'093.75 ord las taglias da midada da maun. Risguardond las expensas da frs. 567'289.48 munta il surpli d'expensas a frs. 33'665.84.

f) Rapports dalla cumissiun da gestiun e dil post da revisiun

Ton il president dalla cumissiun da gestiun, Damian Gliott, sco era Norbert Cavegn dalla canzlia-fiduziara SA, Glion renvieschan als rapports en scret ch'ein nudai el quen annual 2018 sin las paginas 80 tochen 83 e proponan l'approbaziun dils quens e la scarica da tut ils responsabels cun admetter ad els in bien engraziament per la lavur prestada.

3. Approbaziun

La raspada suonda quella proposta ed approbescha unanimamein il rapport annual dil president communal, il quen annual, il quen digl onn da scola dil consorzi da scoletta e scola primara scolaviva, il quen digl onn da scola dil consorzi da scola superiura scolaviva sco era il rapport e quen annual dalla fundaziun Pro Laax e dat aschia descharscha alla suprastanza, all'administraziun e funcziunaris sco era als organs dil consorzi da scoletta e scola primara scolaviva, dil consorzi da scola superiura scolaviva e dalla Pro Laax.

4. Elecziuns cumplessivas 2019 - 2021

- 1 substitut dalla cumissiun da gestiun (1 vacanza)
Bruno Arpagaus
- 1 commember dil cussegl da fundaziun Pro Laax (1 demissiun)
Martina Wolf-Cafilisch

5. Engrondiment stabiliment da scola Grava

- Damonda da credit da frs 9'990'000 pigl baghetg engrondi e da frs. 450'000 pil tetg sur la rampa dalla halla da parcar Grava

La radunonza conceda ils credits cun in resultat da 199 gie encunter 1 na.

- Autorisar la suprastanza communal da far midadas che semuossan el decuors dallas lavurs sco necessarias egl interess dall'ovra, aschinavon che quellas surpassan buca la limita dil project e dil credit

Cun ina suletta cuntervusch dat la raspada quella plenipotenza.

6. Communicaziuns e varia

Nuot special.